CD1 HANDSEL – MALINKY CDTRAX402

Begone Bonnie Laddie

Words trad. adapted Steve Byrne, music trad arr. Malinky, Grian Music

I sat low and the moon shone high Lookin for ma bonnie love tae pass me by Lookin for ma bonnie love but twa cam by An ma bonnie lad, he ne'er lookit near me

But tae try him again I'll deck ma hair And tie it up wi green ribbons fair An busk it sae braw wi richt mickle care Though he says he'll never mair come near me

O it's I am awa tae ma laddie's bedside, I am awa for tae be ma laddie's guide. I am awa tae ma laddie's bedside, Though his faither and mither be angry.

"O, at my bedside, ma lassie, ye'll no sit, At my bedside, ma lassie, ye'll no sit. For I hae choos'd a guide, and a far better fit, So begone, lassie, wha cares for ye?"

"Well ye micht hae coorted ane, ma love, ye micht hae courted seeven, Ye micht hae courted eight, nine, ten and eleiven. Ach, go and coort anither, that'll mak up the dizzen, Sae begone bonnie laddie for I carena

"O come back, ma bonnie lassie, dinna gang awa, Come back, ma bonnie lassie, dinna gang awa, Or else ma verra hert, it will brak in twa I was only in a jest for tae try ye."

"Well if ye were in a jest, ma laddie, I wis in nane. So lang, lang, ma bonnie laddie, may ye lie yer lane, Aye lang, lang, ma bonnie laddie, may ye lie yer lane And think upon the bonnie lass that lo'ed ye.

"For the trees they are high, ma love, the leaves they are green, The years are passing by, ma love, that ye and I hae seen. The lang winter's nicht when ye hae tae lie yer lane, Ach! Ye'll weary lang before I'll come and see ye."

Aye the trees they are high ma love the leaves aa faan Though I be forsaken I'm nae ower thrawn As lang's there's anither bonnie laddie tae be won Begone bonnie laddie for I carena.

The Forester

Words trad. adapted Steve Byrne, music trad arr. Malinky, Grian Music

I'm a forester in this wood, And you're the same design It's the mantle or your maidenheid, bonnie lassie, never mind

Chorus: Singin diddy-i-o, sing fal-a-do, Sing diddy-i-o, i-ay

Syne you've laid me doon It's come pick me up again An syne ye've teen the wills o me come tell to me your name

Chorus

Sometimes they call me James and Sometimes they call me John An fan I'm on the king's highway Young Daniel is my name

Chorus

They neither call ye James or They neither call ye John An' when ye're on the king's highway Young William is your name

Chorus

When he heard his name called oot He's mounted on his steed She's buckled up her petticoats, And efter him she's gaed

Chorus

He's run an she's run The lang summer day Till they come till a water, That's cried the river Tay

Chorus

It's dae ye see yon castle That's owre on yonder green There is the bonniest maidens there That wad dazzle your een

Chorus

It's aye i've see yon castle That's ower on yonder green There is nae bonnier maiden there Than that afore ma een

Chorus

She has tane the narrow ford, An he has tane the wide, Afore he got his steed turned roon, She wis on the other side

Chorus

She's gaed tae the king's haa door, As fast as she could hie There is a knicht intae yer court This day has robbit me

Chorus

Did he steal your mantle, Or did he steal your fee Or did he steal your maidenheid, The flooer o your bodie

Chorus

He neither stole my mantle, Or he neither stole my fee But he stole ma maidenheid, The flooer o ma bodie

Chorus

If he is a single man, Then mairried you may be And if he is a merrit man, We'll tie him tae a tree

Chorus

Ah wisht Ah'd drunk the waater The nicht I drunk the wine Tae hae a shepherd's dochter Tae be a love o mine

Chorus

When the mairriage it cam off, They laughed to see the fun She's the Laird o' Urie's dochter, He wis a blacksmith's son

The Maid of Doneysheil

Words Paddy McGuckian, public domain, additional verse trad. adapted Mark Dunlop and Steve Byrne, music Mark Dunlop PRS/MCPS

The first place that I saw my love was at Rasharkin Fair Little I thought that I would meet one so exceeding rare Her sparkling eyes like diamonds bright were comely to behold Her hair in ringlets wavering like shining links of gold.

O I stepped up to this fair maid with sentiments confined For to amend my sorrow with nature's works combined Said I "Fair maid, your dwelling place from me do not conceal" She smiled and said "Sir, I was bred nigh to sweet Doneysheil".

Sweet Doneysheil, it is the place where my true love does dwell That known place of beauty; admirers all can tell No charming note of bird afloat all in the morning pale Could charm the grove like my true love, the maid of Doneysheil

To sweet Kilcreen where I have been, I now must bid adieu It grieves my heart all for to part from my dear comrades too For Nova Scotia I am bound; tomorrow I'll set sail But o'er the sea my heart will be with the maid of Doneyshiel

For when I reach that foreign shore and there fair maidens see It's then I'll think far more of her, and the vow she made to me Hope may contain life's ebbing vein, but the thought will oft prevail To see once more whom I adore, the maid of Doneysheil. To see once more whom I adore, the maid of Doneysheil.

SLEEPYTOON

Words William Clark, public domain, music trad arr. Malinky and Ellie Beaton, Grian Music

It happened at last Whitsunday I tired o ma place; As I gaed up tae Insch tae fee, Ma fortune for tae chase.

Chorus: And sing ay-ree arrity adie and Sing ay-ree arrity an

I met in wi Adam Mitchell Tae fee we did presume. He's a fairmer fae Kennethmont An he bides in Sleepytoon.

Chorus

"If you and I agree," he says, "We'll hae the fairest play, For I never bid ma servants work Abeen ten hoors a day."

Chorus x 2

"If aa be true ye'll tell to me I think the place will suit. Gweed faith I think I'll gang wi you Although ye're an ugly brute."

Chorus x 2

Twas on a Monday mornin I gaed hame by Sleepytoon An he ranked us out in gweed order Tae lay his turneeps doon

Chorus

The order was to bed at nine And nivver leave the toon, For every time we left it We'd be fined near half a croon.

Chorus

Mony's a croon have I been fined But never lost the hairt, Ma neighbour Knowles was fined a poond Fir cowpin ower a cairt.

Chorus

We never heeded Adam But aye we took the pass Sometime tae buy tobacca Sometimes tae see oor lass

Chorus

But noo the term has come at last Oor fee is safely won An we'll awa tae Rhynie meer An it's there we'll hae some fun

Chorus x 2

Fan we are ower in alford We'll gar the gless gae roon And we'll tell them o the usage that We got at Sleepytoon

Chorus x 2

We'll mebbe see Aul Adam yet, Jist at his dish o brose And mebbe I'll gie him a hankie Jist tae dicht his snuffy nose.

True Lover John

Words and music trad arr. Malinky and Len Graham, Grian Music

It happened for to be on a cold winter's evening, A fair maid sat waiting alone, She was thinking on her father, likewise her aged mother, Aye and also her true lover John.

Young Johnny he was sweet and he promised for to meet, But he tarried an hour too long. He met with great delay which caused him for to stray, Aye and I weary waiting all alone.

Young Johnny came at last and he found the door was fast, And he slowly, slowly tinkled at the pin. This fair maid she arose and she hurried on her clothes In order to let young Johnny in.

He took her in his arms aye and off to bed they went And it's there they laid talking of their plan; "I wish," this maid says she, "this night would prove to be Aye as long since the world first began.

"Fly up, o fly up, my pretty little cock, And don't crow until it breaks day, And your cage it shall become of the very shining gold, And your wings of the silvery grey."

But this pretty little cock, so cruel as he was, He crowed out an hour too soon; And he sent my love away before the break of day, It being only the light of the moon.

This fair maid she arose and quickly followed after, Saying "When will you come to see me?" "When the fishes they do fly, andthe seas they all run dry, And seven moons shine brightly o'er yon lea."

There was once I thought my love was as constant unto me As the stones that lie under yon ground. But now since I do find he has altered his mind I would rather live single as be bound.

The Braes o Broo

Words trad. adapted Steve Byrne, Music trad. arr. Malinky, Grian Music

Chorus:

The plooman laddie's my delight The plooman laddie loves me They say the plooman lad's wi me When I'm sure he's no near me

Get up get up ye lazy loons Get up an waur them aa man Rhe Braes o Broo are ill tae ploo They're roch an reesky aa man

Oh he's taen up his owsen gowd It sets him weel tae caa man He's laid it ower the owsen bow Says "Scurry, come awa man!"

Chorus

What think ye o oor ploomen noo Their high-cuttin ploos and aa man? It wasna sae aince in a day When the wooden pleuchie plooed aa man

What think ye o oor fairmers noo Wi their binders ane and aa man? It wasna sae aince in a day When the plooman shure it aa man

Chorus

What think ye o oor lasses noo Wi their bicycles sae braw man? It wasna sae aince in a day That widna dee at aa man

Whit think ye o oor lasses noo Their parasols and aa man At kirk or mercat when they gang Wi aa their ribbons braw man

I've learned tae spin wi threid sae fine, Ma plooman lad tae clead man I'll weave the hose tae hap his feet, The bonnet for his heid man

It's I will wash ma plooman's hose, I'll brush his dubby sheen man I'll maybe be a plooman's wife, Ere aa thae days be deen man

The Baron o Brackley

Words trad. adapted Steve Byrne, music trad. arr. Malinky and Cameron Nixon, Grian Music.

Doon Deeside cam Inverey a-whistlin an playin An he cam by Brackley's yetts ere the day was dawin "Oh an are ye there, Brackley, and are ye within? There's shairp swords are at yer yetts, will gar yer bluid spin"

Then rise up my Baron and turn back yer kye For the lads fae Drumwharran are drivin them by Oh how can I rise up, or turn them again? For whaur I hae ae man, I wat they hae ten

Gin I had a husband whereas I hae nane He widna lie in his bed and see his kye tane Well rise up ma Peggy and gie me ma gun, For tho I maun gang oot, I michtna return

When Brackley was mounted and rade on his horse A bonnier baron ne'er rade ower a course Tho there cam wi Inverey thirty and three There wis nane wi bonnie Brackley but his brither and he Twa gallanter Gordons did never sword draa But against fower & thirty, wae's me, whit is twa?

At the head o the Etnach the battle began At little Auchoilzie they killed the first man They killed Alexander and James o the Knock And brave Arthur Gordon, the flooer o Glenmuick

Wi their dirks & their broadswords, they did him surroon They've slain bonnie Brackley wi mony's the wound Frae the heid o the Dee tae the banks o the Spey The Gordons shall mourn him and ban Inverey

Oh cam ye by Brackley, or cam ye by here? And saw ye his lady a-rivin her hair? Oh an I cam by Brackley, an I was in there An I saw his fair lady, she wis makkin guid cheer

She was rantin an dancin an singin wi joy An she vowed that verra nicht she would feast Inverey She's lauched wi him, danced wi him, welcomed him ben She was kind tae the villain wha'd slain her guid man

She kept him till mornin, syne bad him be gane And showed him the road that he widna be tane Through Birse and Aboyne she says, lyin in a tour Ower the hills o Glen Tanar ye can skip in an hoor

O fy on ye lady, how could ye gang by? And open yer yetts tae the fause Inverey? And up spak her young son, on his nurse's knee, Gin I live tae manhood, avenged I'll be.

For there's dule in the kitchen & mirth in the haa The brave gallant Brackley is deid and awa

Gie me a Lass wi a Lump o Land

Words Allan Ramsay, public domain, music trad arr. Malinky and Barbara Dymock

Gie me a lass wi a lump o land, We for life shall gang thegither, Daft or wise, I'll ne'er demand, Black or fair, it maks nae whither.

I'm aff wi' wit, and beauty will fade, Blood alane's nae worth a shillin She that's rich, her Market's made, Ilka charm aboot her is killin.

Gie me a lass wi a lump of land, In ma bosom I'll hug ma treasure; Gin I had aince her gear in ma hand, Should love turn dowf, it will find pleasure. Laugh on wha likes, there's my hand, I hate with poortith, tho bonny, to meddle, 'Less she brings cash, or a lump of land, She'll ne'er get me to dance to her fiddle.

There's meikle guid love in bands and bags, Siller and gowd's a sweet complexion; Beauty and wit, and virtue in rags, Hae tint the airt o gainin affection:

Love tips his arrows wi' wids and parks, Castles and riggs, and muirs and meadows, Naithing can catch oor modern Sparks, But weel-tocher'd lasses and joynter'd widows.

The Tarbolton Lasses

Words Robert Burns, public domain, music Thomas Dymock, PRS/MCPS

If ye gae up tae yon hill-tap, Ye'll there see bonnie Peggy: She kens her faither is a laird, And she forsooth's a leddy.

There's Sophy ticht, a lassie bricht, Besides a handsome fortune: Wha canna win her in a nicht Has little airt in coortin.

Gae down bi Faile, and taste the ale, And tak a look o Mysie; She 's dour and din, a deil within, But aiblins she may please ye. If she be shy, her sister try, Ye'll maybe fancy Jenny: If ye'll dispense wi want o sense She kens hersel she's bonnie.

As ye gae up by yon hillside, Speir in for bonie Bessy: She'll gie ye a beck, and bid ye licht, And handsomely address ye.

There's few sae bonny, nane sae guid, In aa King George's dominion; If ye should doot the truth o this It's Bessy's ain opinion.

Lovely Armoy

Words and music trad. arr. Malinky, Grian Music

Draw near, my kind friends and relations, I'm going to take my farewell I am bound for a far distant nation, no longer in Armoy to dwell I am leaving that neat little village wherein I was reared as a boy And now for to leave you it grieves me and part from you, lovely Armoy.

By the banks of that bonny Bush water where fishes swim neatly and fair By those banks I have oftentimes wandered at evening, when free from all care By those banks I have oftentimes wandered at evening, when free from employ And now for to leave you it grieves me and part from you, lovely Armoy.

I am taking my leave of this evening as bright Phoebus declines from my view I will take my last walk round the garden where the flowers are all sprinkled with dew With the banks of blown roses all round me, there a fair maid oft met me with joy No wonder it grieves me to leave you and part from you, lovely Armoy.

We kissed and shook hands and then parted; I started my course without fail Til we came to the city of Belfast where our good ship lay ready to sail Strict orders were given to board her; my pen I no longer employ And now for to leave you it grieves me and part from you, lovely Armoy.

The Hash o Bennagoak

G.S Morris, Kerr's Music Corp LTD/James S. Kerr Instrumental: Dugald Dunlop's Hornpipe, Mark Dunlop PRS/MCPS

Noo sax month come Mairtinmas I fee'd tae Turra toon, They said I wis the brawest chiel in aa the country roon, Wi a ring dum day, ring dum a day, ring dum diddle cum, a dandy-o.

Now auld Wullie fee'd ma, but Rabbie nivver spoke, Tae come and caa the second pair at th' Hash o Bennagoak, Wi a ring dum day, ring dum a day, ring dum diddle cum, a dandy-o.

The foreman's like a constable, he nivver faas asleep, It's up and doon the lang rigs, he nivver slacks a theet, Wi a ring dum day, ring dum a day, ring dum diddle cum, a dandy-o.

The second billie, that's masel, I caa a pair o broons, Raisin ragnails on the foreman's heels, I fairly keep ma roons, Wi a ring dum day, ring dum a day, ring dum diddle cum, a dandy-o.

The third he comes fae Fogieloan, he's a pynted chiel, His horse and his harness are aye lookin weel, Wi a ring dum day, ring dum a day, ring dum diddle cum, a dandy-o.

Noo Sharnie Taes the baillie, he's a sturdy chiel, It's roon aboot the kittlie neuks he gars the barra reel, Wi a ring dum day, ring dum a day, ring dum diddle cum, a dandy-o.

Syne we hiv an orra man, he seldom caa's the ploo, There's aye plenty orra jobs, and whiles some neeps tae pu, Wi a ring dum day, ring dum a day, ring dum diddle cum, a dandy-o.

Wullie rises in the mornin, gis the door a crash, Hauls oot aneth his pickie say, I think we'll hae a thrash, Wi a ring dum day, ring dum a day, ring dum diddle cum, a dandy-o.

It's aa ye jolly horseman, ye'll ging tae the ploo, The orra man tae caa the neeps and Sharnie full in pu, Wi a ring dum day, ring dum a day, ring dum diddle cum, a dandy-o.

Noo Wullie his a brither, he's wrang amon the feet, Tae see him kneipin roon the closs, wid fairly gar ye greet, Wi a ring dum day, ring dum a day, ring dum diddle cum, a dandy-o.

And syne he his a sister, she's perjink and neat But faith she keeps the kitchie billies fairly scant o meat, Wi a ring dum day, ring dum a day, ring dum diddle cum, a dandy-o.

We hae a gallant kitchie deem, her name it's Bessie Broon, Faith t'wid tak a saiddle girth her middle tae ging roon, Wi a ring dum day, ring dum a day, ring dum diddle cum, a dandy-o.

The author o this canty lay, if ye wint it tae be known, Jist spier ye at the herrin boats at the pier o Foggieloan, Wi a ring dum day, ring dum a day, ring dum diddle cum, a dandy-o.

The Lads o the Lindsay

Steve Byrne PRS/MCPS

In the hairst time o fifty three We lost six Lichties on the sea Lifeboat lads fae the fisher way Gaed doon ae nicht ayont the bay

A bonnie boat jist 3 year auld, The Robert Lindsay she wis called A gallant crew o seiven men Jist ane cam hame again

Chorus:

Oh the Lindsay's doon Send the news aroon the toon The Fit'll ring wi tears the nicht For the lads that left the Lindsay

Flares gaed up abune the Tay Arbroath and Ainster made their way A sandboat missin fae Dundee Sailin bound for the port o Leith

Islandmagee had gone astray They searchit roond till break o day Try as they micht nae trace wis foond Aff Crail aa hands gaed doon

Chorus

Noo their brave search had been in vain So the Robert Lindsay heidit hame The wild winds they cam lashin on They tried tae mak it through the storm

They were telt tae bide oot ower the bar Fae Arbroath's shore a few hunner yards But the scowie nicht began tae lour Waves broke and cowped them ower

Chorus

The alarm wis raised an oot they gaed They searchit fir the Lindsay brave Cries o help in wind an rain Bit come the morn twas aa in vain

Chorus

Bakie's Erch wis pu'd alive For in the dark he'd grabbed a line They couldna find the rest that nicht Till the breakin o the licht

Next morn the boat lay on the rocks Strapped tae the wheel wis Bruce the cox Brave Adams on the Links wis found Wi young Cargill he cam aground

Twa loons were gettin merrit suin They widna see their bleckenin And Swankies, fae the fisher way Aa lost that fatefu day

Chorus

We bade fareweel ae rainy day The toonsfowk sent them on their way Wives and dochters left forlorn Aye, the haill toon it cam oot tae mourn

Up by the Abbey they did gang Their toorie bunnets mairched alang Flooers upon flooers were lain As the Lindsay lads cam hame

Chorus

And noo the day the lads ging oot there still Battlin brave wi Neptune's will Descendants o the Lindsay crew Riskin their lives oot on the blue

And noo they'll no tak mair than ane Fan twa lads bear the names the same For hell forfend they ging doon again Mind on the Lindsay's men

The Groves of Donaghmore

Words and music trad. arr. Malinky and Dàibhidh Stiùbhard, Grian Music

Her love he is a nice young man, he's handsome, tall and thin He's manly in proportion, there's none to equal him Wi a gunbelt and a bayonet and a broadsword by his side If she could find her Mícheál Bán, she would surely be his bride

"What regiment is your true love in?" the sentry he did say "Or is he in some barracks? Come tell to me I pray" "He listed in the eighty-eight, he bein a fine young man, and He commands a hundred and forty-four in the front line where he stands."

I will go amidst the roses my mind for to divert To banish grief and sorrow all from my broken heart My true love's absence I will mourn for seven years or more My love won't wane I'll still remain by the Groves of Donaghmore

My name it is young Micheál Bán, I'm not afraid to tell From the county of Tyrone, a place you all know well I'm sailing from Amerikay three thousand miles or more And I'm goin home, no more to roam from the Groves of Donaghmore

This couple they got married, they're living at their ease They go out when they're ready and they come in when they please Oh such a couple deep in love you've never seen before As young Mary-Ann and Mícheál Bán from the Groves of Donaghmore

Awa Wi Ma Laddie

Words trad./Mabel Skelton, additional verse Steve Byrne music trad. arr Malinky, Grian Music

Chorus: Awa wi ma laddie, it's awa wi him l'll gang Yes awa wi ma laddie, for he's a nice young man

Noo the stoory mill's for poverty but the Brothock Mill's for pey The Brothock Mill's a bonnie wee mill, doon by the burnside

Chorus

I took him doon tae the Brothock Mill tae see them aa gaein in Rosy cheeks and curly hair, that's the wey they rin

Chorus

Mebbes I'll get mairried yet, an mebbes no ava Mebbes I'll get mairried yet, tae ma laddie far awa

Chorus

Fir Brothock is a braw wee toon, frae Seaton tae the Wyndies Tae the bonnie lads and lassies there, we'll aye be shair tae mind yese

Chorus

Noo the stoory mill's for poverty but the Brothock Mill's for pey The Brothock Mill's a bonnie wee mill, doon by the burnside

CD2 HANDSEL – MALINKY CDTRAX402

Martinmas Time

Trad. arr. Byrne, Dunlop, Patterson, Polwart, PRS/MCPS

It fell out upon one Martinmas time When the snow lay on the border, There came a troop of soldiers here To take up their winter quarters.

Chorus:

Wi me right fol idle diddle dye me daddy o Wi me right fol idle diddle dye do

They rode north and they rode south And they rode ower the border. And there they met a nice wee girl She was the farmer's daughter.

Chorus

And they made her swear a solemn oath With a salt tear in her eye, oh, That she would come to the quarter gates When no-one did her spy, oh.

Chorus

She went to the barber's shop To the barber's shop went soon, oh. She's made him cut off her long yellow hair As short as any dragoon, oh.

Chorus

She went to the tailor's shop Dressed up in soldier's clothes, oh. Two long pistols hangin by her side And a nice little boy was she, oh.

Chorus

So she went to the quarter gates, And loudly she did call, oh, "There comes a troop of soldiers here We must have lodgings all, oh!"

Chorus

And the quartermaster he comes down, And gives her eighteen pence, oh: "Go seek your lodgings in yonder town For tonight there comes a wench, oh."

Chorus x 2

Oh she's taken a whistle from her side, And blew it loud and shrill, oh: "You're all very free with your eighteen pence, But you're not for a girl at all, oh."

Chorus

And she's taken the garters from her knee, The ribbons from her hair, oh. She's tied them round the quarter gates As a token that she'd been there, oh.

Chorus

And when they found that it was her They've tried to have her taken. But she's slapped her spurs to her horse's side And she's ridden home a maiden.

Alison Cross

Trad. arr. Malinky, Grian Music

Alison Cross lives in yon tower The ugliest witch in the north countrie She's trysted me ae day till her bower And mony's the braw spreech she made tae me

She showed me a mantle o reid scarlet Weel wrocht wi gowd and fringes fine Says, "Gin ye'll be my leman sae true This gudely gift, it shall be thine"

Chorus

"Awa, awa ye ugly witch Haud far awa and let me be Afore I'll kiss yer ugly mou I'd raither toddle aroond the tree"

She showed him a sark o the saftest silk Weel wrocht wi pearls abune the band Says, "Gin ye'll be my leman sae true This gudely gift's at your command"

Chorus

She showed him a cup o the gude reid gowd Weel wrocht wi jewels sae fair and fine Says, "Gin ye'll be my leman sae true This gudely gift, it shall be thine"

Chorus

An she's taen oot her grass-green horn She blew it three times loud and shrill She swore by the moon and the stars abune She'd gar me rue the day I ever was born

An she's taen oot her silvery wand She's straiked it three time ower her knee She's muttered sic words as ma senses failed I fell doon senseless tae the ground

Chorus

It fell upon last Halloween When the seely coort came riding by The queen's lichtit doon on a gowany bank Nae far fae the tree whaur I did lie

An she's taen oot her silvery wand She's straiked it three times ower her knee She's turned me back tae ma proper shape Nae mair tae toddle aroond the tree

Whaur Dae Ye Lie?

Karine Polwart, Grian Music

Chorus: Whaur dae ye lie, my faither? Whaur dae ye lie, my son? Whaur dae ye lie, my ain true love? When will the truth be won?

Oor friends, they came tae protect us Oor friends, they bade us bide Oor friends left us standing there naked Wi nae place left tae hide

Chorus

Oor neighbours, they came wi a hundred year hate Oor neighbours, they came wi guns Oor neighbours, they came for oor menfolk An they slew them, everyone

Chorus

I hae sought oot yer grave wi my mither I hae sought oot yer grave in vain I hae sought the bare banes o the truth and the men Faither, whaur are ye lain?

Chorus

I hae cried oot yer name tae the four winds I hae cried oot yer name till the dawn An I cried in the arms of yer sister dear Whaur dae ye lie, my son?

Chorus

I hae dreamed o yer breath upon me I hae dreamed o yer yellow hair I hae dreamed o the sounds o yer dyin love Whaur dae ye lie, my dear?

Billy Taylor

Trad. arr. Malinky/Karine Polwart PRS/MCPS

Billy Taylor was a sailor, he was courtin a fair lady Instead of Billy gettin married, he was forced untae the sea But his bride soon followed after under the name of Richard Carr Snow-white fingers, long and slender, covered ower wi pitch and tar

Chorus: Fal-da-ral-da-rum-dum-day-dee Fal-da-ral-de-rum-dum-day

She's dressed herself in sailor's clothing, oh but she was a bonnie young man Away she sailed upon the ocean, all aboard the Mary Anne A storm blew up upon the water, she bein there amang the rest The wind blew off her silver buttons and there appeared her snow-white breast

Chorus

"Well, now," said the captain, "My dear lady, what misfortune brought ye here?" "I'm in search of my true lover whom you have pressed the other year" "Well," said the captain, "My dear lady, tell to me the young man's name" "Some folk call him Billy Taylor, William Taylor is his name"

Chorus

"Well, if Billy Taylor's your dear lover, then he has proved to you untrue He's got married tae another and left you here alone to rue Rise ye early in the mornin, early at the break of day And there you'll spy young Billy Taylor, walkin oot wi his lady gay"

Chorus

She rose early up next mornin, early at the break of day And there she spied young Billy Taylor walkin oot wi his lady gay Gun and pistol she commanded, gun and pistol at her side And there she shot young Billy Taylor walkin oot wi his new-made bride

The Lang Road Doon

Steve Byrne PRS/MCPS

Chorus:

Far are ye gan the day, my Willie-o? Far are ye gan the day, sae blithe and bonnie? Gone o'er the knowe and doon the brae Tae serve the king you were bound away Fan will ye come hame tae oor Jamie?

Ah mind o aa the winter's nichts Ye'd keep me frae hairm The lang waarm days in the summer's licht Doon on Hully's fairm Fan ye an me wid be sae free Frae thochts and frae cares Till the sairgeant, he cam roond And took ye frae ma airms

Chorus

Ah mind the day ye first cam by Ye'd cam for the shearin Dae ye mind how Ah caught yer rovin eye? But noo Ah'm left here fearin For noo Ah da ken fan we'll be Back again thegither Ye are far noo o'er the sea Fan will oor bairnie see his faither?

Chorus

Ah saa ye tak the lang road doon Yer claes aw in a bunnle Ah suin lost the soond o yer trampin shoon Ma hert teen a tummel As Ah saa yer heid gang oot a sicht As Ah luiked across the Mearns Fa will bide wi me the nicht? Fa will haud ma bairn?

The Trawlin Trade

John Connolly, Maypole Music

North to the Faeroe Islands, south to the coast of Spain West with the whaling fleet and up to the pole again Over the world of water, seventeen seas we've strayed Now to the north we're sailing back to the trawling trade

Chorus:

Come, ye bold sea-farin lads There's fortunes to be made In the trawling trade

It's back to the midnight landings, back to the fish salt smell Back to the frozen winds that bite like the teeth of hell Back to the strangest game that ever a man has played Haul the stormy rollers back to the trawling trade

Chorus

Doon wi yer nets and tackle, doon wi yer nets and gear Wait for the winches winding, wait for the deckie's cheer Up wi the shining harvest, glittering silver spray Down to the decks below to pay for the trawling trade

Chorus

Home wi the harvest wind and back to the Humber tide Down to the water's edge and jump to the waterside Roll with a rolling bunch of fishermen newly paid Down to dockside pubs to drink to the trawling trade

King Orfeo

Trad. arr. Malinky, Grian Music

There lived a lady in yon haa Scowan erla grae Her name was Lady Liza Bell Far yorten han grun orla

The king, he has a-huntin gane Scowan erla grae An left his lady all alane Far yorten han grun orla

The Elfin King wi his dairt Scowan erla grae Pierced his lady tae the hert Far yorten han grun orla

When the king came hame at noon Scowan erla grae He spiered for Lady Liza Bell Far yorten han grun orla

His nobles untae him did say Scowan erla grae "My lady was wounded, noo she's deid" Far yorten han grun orla

Noo they've taen her life frae me Scowan erla grae But her corpse they'll never hae Far yorten han grun orla

The king, he's caad his nobles aa Scowan erla grae Tae waltz her corpse intae the haa Far yorten han grun orla

But when the lords were faan asleep Scowan erla grae Oot o the haa her corpse did creep Far yorten han grun orla

Noo awa tae the woods he's gane Scowan erla grae An there he sat upon a stane Far yorten han grun orla

He sat there for seiven years Scowan erla grae Till a company him drew near Far yorten han grun orla Some did ride and some did ging Scowan erla grae He saw his lady then amang Far yorten han grun orla

The company, they then made their way Scowan erla grae Tae a haa upon a hill Far yorten han grun orla

Noo he set him doon fu wae Scowan erla grae He's taen oot his harp tae play Far yorten han grun orla

First he played the notes o noy Scowan erla grae Then he played the notes o joy Far yorten han grun orla

An then he played the guid gabber reel Scowan erla grae That would mak a sick hert heal Far yorten han grun orla

There cam a boy frae oot the haa Scowan erla grae Ye're bidden tae play amangst us aa Far yorten han grun orla

The Elfin King tae him did say Scowan erla grae "What will you hae for aa yer play?" Far yorten han grun orla

For my play I will ye tell Scowan erla grae I'll hae my Lady Liza Bell Far yorten han grun orla

My sister's son, the unworthy thing Scowan erla grae The morn he will be crowned king Far yorten han grun orla

Noo ye can tak yer lady hame Scowan erla grae An you'll be king o aa yer ain Far yorten han grun orla

Clerk Saunders

Trad. arr. Malinky, Grian Music

Clerk Saunders and May Margaret Were walking on yon gravelled green Sad and heavy was the love I wot it fell this twa between

"A bed, a bed," Clerk Saunders said "A bed, a bed for you and me" "Oh no, oh no," the lady cried "Until the day we mairrit be

For in will come my seiven brithers And aa their torches burnin bright They'll say we hae but yin sister And here she's lyin wi you this night"

"Ye'll tak the sword frae my scabbard And loowly, loowly lift the gin And ye maun swear a solemn oath Ye'll never let Clerk Saunders in"

"Ye'll tak me in your airms twa And cairry me ben untae yer bed And ye maun swear a solemn oath Across your bower I ne'er did tread"

They werenae lang untae the room They werenae lang untae the bed When in there cam her seiven brithers An aa their torches were burnin red

Oot then spak the first brither "It's lang since ere this love began" Oot then spak the second brither "It's a sin tae kill a sleepin man" Oot then spak the third brither "We'd better gang and let them be" Oot then spak the neist o them "You'll no be killed this nicht for me"

Oot then spak the fifth brither Aye and an angry man was he "I bear the sword in my right hand That will gar Clerk Saunders dee"

He's taen oot his lang, lang sword That he had strappit through the strae And through and through Clerk Saunders' body I wot he has garred iron gae

"Awake, awake, Clerk Saunders," she says "Awake, awake for sin or shame For the day is light, the sun shines bright And I'm afraid we will be taen"

Aye she waukened this dead man Aye she rocked him to and fro Aye she waukened this dead man But of his death she did not know

"I'll do as much for ye, Clerk Saunders Whatever ladies wouldnae thole Till seven years has passed and gane There's ne'er a shoe gaes on my sole

There'll ne'er be a sark upon by back There'll ne'er be a kaim straik through my hair There'll ne'er be coal or candle light Shine in my booer nae mair"

Seán Ó Duíbhír a' Ghleanna

Trad. arr. Malinky, Grian Music

Oft of a pleasant morning, sunshine all adorning I heard a horn give warning with the birds' mellow call Badgers flee before us, woodcooks startle o'er us Guns in a ringing chorus amid the echoes all The fox runs high and higher, horsemen shouting nigher The maid in mourning by her geese that are all gone Now they fell the wild woods, farewell home of childhood Oh Seán ó Duíbhír a' ghleanna, your day is o'er

For it is my sorrow sorest, woe the falling forest The north wind brings me no rest, and death is in the sky My faithful hound tied tightly, never sporting brightly Who would make a child laugh lightly with the tears in his eye The antlered, noble-hearted stags are never parted Never chased nor started from the whinny hills Oh if peace came but the small way I would journey down on Galway And leave, though not for always, my Erin of the ills

My woe and ruin through sinless death undoing Came not o'er the strewing of all my bright hopes How oft on sunny morning I would watch the spring returning The autumn leaves are falling and the dew on woodland slopes Now my land is a plunder, far my friends asunder I must hide me under branch or bramble screen And if soon I cannot save me by flight from foes who crave me Oh Seán ó Duíbhír a' ghleanna, death will come between

Pad The Road Wi Me

Text trad, additional verses Steve Byrne PRS/MCPS music Mike Vass PRS/MCPS

Says I, "My dearest Molly, come let us fix the time Fan ye and I will mairried be and wedlock us combine Fan ye and I get mairried, love, richt happy we will be For ye are the bonnie lassie that's tae pad the road wi me"

"Tae pad the road wi you, sir, cauld winter's comin on Besides, my aged parents have ne'er a girl but one Besides, my aged parents have ne'er a girl but me So I'm no the bonnie lassie that's tae pad the road wi thee"

"Oh never mind cauld winter, love, the spring will follow on Come sit ye doon beside me, and I'll sing you a nice song I'll sing you a nice song while I diddle ye on ma knee For you're the bonnie lassie that's tae pad the road wi me"

"Oh the ither lads that I hae had, they proved of cruel mind They beat me and bad used me and proved tae be unkind They beat me and bad used me and garred me rue the day That e'er I gied my love tae them tae pad the road away"

"Oh lassie, dearest lassie, love, I'd never dae ye wrang It's on my honest faither's life I swear I'll dae nae hairm I'll busk ye braw and fairer so ye could bear the gree As the belle o aa the country roon tae pad the road wi me"

So she has donned her hose and shoon and tae the kirk they've gane And lang, ay lang ere mornin that couple were made ane And lang, lang ere the mornin, her troubles were set free For she's the bonnie lassie that's tae pad the road wi me For she's the bonnie lassie that's tae pad the road wi me She's the bonnie lassie that's tae pad the road wi me

Son David

Trad. arr. Malinky & Donald Shaw, PRS/MCPS

"O what is the blood that's on yer sword, My son David, O son David? What is the blood that's on your sword? Come promise, tell me true."

"O but that is the blood o my grey hound, Hey lady mother, ho lady mother; That is the blood of my grey hound, Because it widnae be ruled by me."

"O but that blood it is ower clear, My son David, O son David; That blood it is ower clear, Come promise, tell me true."

"O but that is the blood o my grey mere, Hey lady mother, ho lady mother; That is the blood of my grey mere, Because she widnae be ruled by me."

"O but that blood it is ower clear, My son David, O son David; That blood it is ower clear, Come promise, tell me true."

"O but that is the blood o my brither John, Hey lady mother, ho lady mother; That is the blood of my brither John, Because he drew his sword tae me.

"For it's I'm gaan awa in a bottomless boat, In a bottomless boat, a bottomless boat, For it's I'm gaan awa in a bottomless boat, For I'll never return again."

"O but when will ye come back again My son David, O son David? When will ye come back again? Come promise, tell me true."

"When the sun and the moon meets in yon glen, Hey lady mother, ho lady mother; When the sun and the moon meets in yon glen, For I'll never return again."

Fisherman's Wife

Trad. arr. Byrne, Dunlop, Patterson, Polwart, PRS/MCPS

Fa wid be a fisherman's wife Tae work wi a tub an a scrubber an a knife, A deed oot fire an a raivelt bed An awa tae the mussels in the mornin

Chorus:

Here we come scoorin in, Three reefs tae the foresail in An there's nae a dry stick tae pit on wir back, But still we're aa teetotallers

Fa'll gie's a hand tae rin a ripper lead Tae try for a coddie in the bay o Peterheid? They're maybe at the Lummies or the clock on Sauthoose Heid

Fan we gan tae the sma lines in the mornin

Chorus

Well ma pair auld faither's in the middle o the flair Beatin heuks ontae tippets an they're hingin on his chair

They're made wi horses hair, for that's the best o gear

Tae be gaan tae the fishin in the mornin

Chorus

It's doon the Gadle Braes in the middle o the nicht Wi an aul seerup can an a cannel for a licht Tae gaither up the pullars, every een o them in sicht An get the linie baited in the morning

Chorus

It's easy to the cobbler, sittin in his neuk, Wi a big copper kettle hingin on a crook We're in the boo and we cannae get a heuk It's sair haird work in the morning

Chorus

Well it's no the kin o life that a gentle quine can thole Wi her fingers reid raw wi the scrubbin oot a yoll An a littlen on her hip, she's awa tae cairry coal, She'll be caad sair deen in the mornin

Chorus

Still an aa she widna change fir the grandest o yer gear

Fir she never kens the minute when her hert'll loup wi fear

He's awa tae the sea and he's aa that she has dear She could be a widda wi his bairn in the mornin

The Newry Highwayman

Trad arr. J. Bews, S. Byrne, M. Dunlop, L. McCann, K. Polwart, PRS/MCPS

In Newry Town I was bred and born Now in Stephen's Green sure I lie in scorn I was apprenticed to the saddlin' trade But I grew up to be and I grew up to be a rovin' blade

At seventeen now I took a wife And I loved her dearer than I loved my life And for to keep her in fine array I went a-robbin' I went a-robbin' on the King's highway.

I've never robbed any poor man yet Nor any tradesman did I beset I robbed the Lords and the Ladies bright And took their jewels, and took their jewels to my heart's delight.

I robbed Lord Golding I do declare And Lady Maunsell in Grosvenor Square I shut the doors and bade them goodnight And took their jewels, and took their jewels to my heart's delight.

To Covent Garden I took my way With my dear wife for to see a play Lord Fielding's men, they did me pursue And I was taken, and I was taken by that cursed crew.

My father cried for his daring son My wife, she wept and cried "I am undone" My mother tore her white locks and cried Saying in the cradle, saying in the cradle now he should have died

And when I'm dead and I'm in my grave No fancy tombstone will I crave Just Six bold highwaymen to carry me Give them good broadswords, give them good broadswords and sweet liberty.

Six pretty fair maids to bear my pall Give them primroses and ribbons all And when I'm dead they will speak the truth "He was a wild and, he was a wild and a wicked youth"

The Bonnie Lass o Fyvie

Trad. arr. Bews, Byrne, Dunlop, Hunter, McCann, MacPherson, Patterson, Polwart, Vass, Wood PRS/MCPS

Good evening. It's lovely to be back in Glasgow, how are ya? Twenty years eh? Twenty years!

Eh, please sing along with this one if you know this one too.

There once was troop of Irish dragoons Come marchin doon through Fyvie O An the captain's faan in love wi a very bonnie quine Her name that she had was pretty Peggy O

"Ah come runnin doon the stairs, pretty Peggy, my dear Come runnin doon the stairs, pretty Peggy O Come runnin doon the stairs an tie back yer yellow hair Tak a last fareweel tae yer daddie O

For it's I'll buy ye ribbons an I'll buy ye rings An I will buy ye necklaces o lammer O I'll buy ye silken goon for tae clead ye up an doon If ye'd just come doon intae ma chamber O"

"Well, I'll hae nane o yer ribbons, I'll hae nane o yer rings An nane o yer necklaces o lammer O An as for silken goon, I will never put it on And I never will enter yer chamber O"

There's mony a bonnie lass in the Howe o Auchterless An mony a bonnie lassie in the Garioch O There's mony a bonnie Jean in the toon o Aberdeen But the flooer o them aa bides in Fyvie O

Well, the colonel, he cries, "Mount, boys, mount, boys, mount" And the captain, he cries, "Tarry O! Tarry for a while, just anither day or twa For tae see if the bonnie lass will marry O"

"Well I'll drink nae mair o yer guid claret wine I'll drink nae mair o yer glasses O For the morn is the day that I maun ride away Wi adieu tae ye, Fyvie lassies O"

An syne e'er we got tae Old Meldrum toon Oor captain we had for tae carry O Syne e'er we got intae bonnie Aberdeen Oor captain we had for tae bury O

Green grow the birks on Bonnie Ythanside Low lie the Lowlands o Fyvie O Oor captain's name was Ned, an he's died for a maid He's died for the sodger lass o Fyvie O

First verse if you know it!

There once was troop of Irish dragoons Come mairchin doon through Fyvie O An the captain's faan in love wi a very bonnie quine Her name that she had was pretty Peggy O On the far end there on the box and whistles from County Tyrone in Ireland, that's Leo McCann.

On the fiddle here, would you give your hand together for Mr Kit Patterson.

Equally dapper on the fiddle from Edinburgh, that's Jon Bews.

Our very own highland man on fiddle and excellent backing vocals, Mr Mike Vass

From Liverpool via Edinburgh on string things, this is Ewan MacPherson.

From Newcastle on bouzouki and guitar and vocals, Mr Dave Wood.

Out-frocking me in the middle, from Glasgow, Fiona Hunter!

The one, the only, the original, on vocal, excellent guitar playing, Ms Karine Polwart!

From Antrim in the north of Ireland...I don't know how we've made it mate – Mark Dunlop.

And last but not least. Well hardly! My old chum, on eh, well all that, and singin as well, and he writes songs too, and he's a great business brain, and a lovely beard as well. Mr Steve Byrne from Arbroath!

1, 2, 3,